



Na osnovu člana 1., 5. i 16. Pravilnika o kriterijima i postupku ostvarivanja prava na pomoć u projektima samozapošljavanja, otvaranja radnih mjesta i drugih oblika radnog angažiranja („Službene novine HNK“, broj: 2/19) i Programa pomoći zapošljavanja i samozapošljavanja boraca i članova njihovih porodica u Hercegovačko-neretvanskom kantonu za period od 2019.-2020. godina broj: 12-01-02-2008/19 od 28.05.2019. godine, Ministarstvo za pitanja boraca Hercegovačko-neretvanskog kantona objavljuje:

JAVNI POZIV

za podnošenje zahtjeva za dodjelu sredstava pomoći zapošljavanja i samozapošljavanja boraca i članova njihovih porodica u Hercegovačko-neretvanskom kantonu

I.

Predmet Javnog poziva je dodjela sredstava za finansiranje programa pomoći zapošljavanja i samozapošljavanja boraca i članova njihovih porodica u Hercegovačko-neretvanskom kantonu iz raspoloživih sredstava Ministarstva za pitanja boraca HNK-a, na poziciji „ekonomski kod 614200, LAM 011 u iznosu od 200.000,00 KM (dvijestotinehiljadakonvertibilnihmaraka).

II.

(1) **Korisnici programa su:** fizička lica (borci) i pravna lica (zadruga čiji su osnivači ili članovi u statusu boraca ili člana njegove porodice, porodična poljoprivredna gazdinstva i obrti čiji su vlasnici u statusu boraca ili člana njegove porodice).

(2) **Sredstva su namjenska bespovratna** koja se mogu odobriti za: podršku samozapošljavanja branilaca i članova njihovih porodica kroz podršku obavljanju obrtničke djelatnosti kao prvo pokretanje vlastite samostalne djelatnost-obrta i podršku obavljanju u tekućoj godini registrovane obrtničke djelatnosti od strane branilaca ili članova njegove porodice; poticanje samozapošljavanja boraca i članova njihovih porodica kroz pomoć razvoju i održivosti porodičnih poljoprivrednih gazdinstava i borcima-poljoprivrednicima; poticanje osnivanja, rada i razvoja boračkih zadruga.

(3) **Osnovni kriterij** za odobravanje novčanih sredstava svim korisnicima Programa izuzev RVI-a je najmanje 18 mjeseci sudjelovanja u odbrambeno-oslobodilačkom ratu.

III.

PODRŠKA OBAVLJANJU OBRTNIČKE DJELATNOSTI

III.1. Mjera poticanja samozapošljavanja boraca i članova njihovih porodica kroz pomoć obavljanju obrtničke djelatnosti

Kroz ovu mjeru, u svrhu samozapošljavanja, Ministarstvo može osobama iz ciljne grupe koje pokreću vlastitu samostalnu djelatnost tj. **obrt**, odnosno koji su u postupku registrovanja, kao i

osobama koje imaju registrovan obrt u 2019. godini, odobriti korištenje pomoći pri registraciji, unapređenju rada i održivosti obrta.

Očekivani rok uposlenosti korisnika za samozapošljavanje je najmanje 12 mjeseci, tokom kojih je korisnik obavezan uplaćivati propisane doprinose.

U navedenom razdoblju provodi se formalna provjera od strane Komisije Ministarstva.

Pomoć pri registraciji obrta se isplaćuje u dva jednaka dijela, pri čemu će se prvi dio pomoći isplatiti po odobrenju zahtjeva i po preuzimanju ugovornih obaveza, a drugi dio pomoći nakon što korisnik dostavi odgovarajuće i valjane dokaze o namjenskom utrošku prvog dijela pomoći, u roku 90 dana.

Posebni kriteriji za mjeru poticanja samozapošljavanja boraca i članova njihovih porodica kroz pomoć obavljanju obrtničke djelatnost su:

- a) Dužina sudjelovanja u odbrambeno-oslobodilačkom ratu;
- b) Porodični socijalno-imovinski status;
- c) Evidentiranost pri nadležnoj službi za zapošljavanje;
- d) Očekivani rok uposlenosti;
- e) Bavljenje poljoprivrednom djelatnošću;
- f) Bavljenje zanatskom djelatnošću;
- g) Bavljenje uslužnom djelatnošću;
- h) planirani rezultati, efekti i utjecaj na opći cilj Programa.

III.2. Potrebna dokumentacija za osobe koje prvi put pokreću vlastitu samostalnu djelatnost-obrt u svrhu troškova taksi i troškova doprinosa nastalih samozapošljavanjem u registrovanom obrtu

1. Prijavni obrazac;
2. Dokaz o statusu osobe iz ciljne grupe Programa (pripadnost boračkoj populaciji)
3. Uvjerenje nadležne Grupe za vojne evidencije o dužini sudjelovanja u ratu;
4. Izjava o kriterijima u vezi s tačkom 7.4.;
5. Poslovni plan za registraciju obrta;
6. Kopiju dokumenta iz banke iz kojeg je vidljiv broj tekućeg računa;
8. Izjava kojom se potvrđuje da je očekivani rok uposlenosti korisnika za samozapošljavanje najmanje 12 mjeseci, tokom kojih je korisnik obavezan uplaćivati propisane doprinose.

III.3. Potrebna dokumentacija za lica koja u tekućoj godini imaju registrovanu obrtničku djelatnosti

1. Prijavni obrazac;
2. Dokaz o statusu osobe iz ciljne grupe Programa (pripadnost boračkoj populaciji);
3. Uvjerenje nadležne Grupe za vojne evidencije o dužini sudjelovanja u ratu;
4. Izjava o kriterijima u vezi s tačkom 7.4.
5. Uvjerenje nadležne službe za zapošljavanje da se prije registracije obrta nalazio na evidenciji neuposlenih lica;
6. Poslovni plan tekuću godinu, uz odgovarajući finansijski dokument.
7. Kopiju dokumenta iz banke iz kojeg je vidljiv broj žiro računa;
8. Izjava kojom se potvrđuje da je očekivani rok uposlenosti korisnika za samozapošljavanje najmanje 12 mjeseci, tokom kojih je korisnik obavezan uplaćivati propisane doprinose;

9. Rješenje o registraciji obrta u tekućoj godini.

10. Izjava da registracija obrta nije podržana od bilo kojeg institucije/nivoa vlasti;

IV.

PODRŠKA OSNIVANJU, RAZVOJU I ODRŽIVOSTI PPG I POTICANJA RADNOG ANGAŽOVANJA BORACA - POLJOPRIVREDNIKA

IV.1. Mjera poticanja samozapošljavanja boraca i članova njihovih porodica kroz pomoć razvoju i održivosti Porodičnim poljoprivrednim gazdinstvima i borcima poljoprivrednicima

Kroz ovu mjeru Ministarstvo može licima iz ciljne grupe koje posjeduju samostalnu privrednu i socijalnu jedinicu zasnovanu na vlasništvu i/ili upotrebi proizvodnih resursa i upravljanju porodica u obavljanju poljoprivredne djelatnosti, kao i licima koje su u postupku upisa u Registar poljoprivrednih gazdinstava, odobriti korištenje pomoći u svrhu registracije, unapređenja rada i održivosti Porodičnog poljoprivrednog gazdinstva.

Ministarstvo će odobriti novčanu pomoć i **borcu-poljoprivredniku** koji proizvodi i obavlja druge poslove vezane uz tu proizvodnju u svrhu osiguranja egzistencije za svoju porodicu i/ili podizanja kvalitete života.

IV.2. Posebni kriteriji za mjeru poticanja samozapošljavanja boraca i članova njihovih porodica kroz pomoć razvoju i održivosti Porodičnim poljoprivrednim gazdinstvima i borcima poljoprivrednicima su:

- a) Dužina sudjelovanja u odbrambeno-oslobodilačkom ratu;
- b) Porodični socijalno-imovinski status.

IV.3. Potrebna dokumentacija za PPG koji su u tekućoj godini pokrenuli postupku upisa u Registar poljoprivrednih gazdinstava:

1. Prijavni obrazac (podnosilac zahtjeva mora biti nositelj obrta);
2. Dokaz o statusu lica iz ciljne grupe Programa (pripadnost boračkoj populaciji);
3. Izjava o kriterijima u vezi s tačkom 7.5.;
4. Dokaz o pokrenutom postupku upisa u Registar poljoprivrednih gazdinstava;
5. Poslovni plan za PPG.

IV.4. Potrebna dokumentacija za PPG koji su upisani u Registar poljoprivrednih gazdinstava (podrška razvoju i održivosti):

1. Prijavni obrazac (podnosilac zahtjeva mora biti nosilac PPG);
2. Dokaz o statusu lica iz ciljne grupe Programa (pripadnost boračkoj populaciji);
3. Uvjerenje nadležne Grupe za vojne evidencije o dužini sudjelovanja u ratu;
4. Izjava o kriterijima u vezi s tačkom 7.5.;
5. Dokaz o registrovanoj djelatnosti za PPG (Kopiju rješenja o upisu u RPG izdat od nadležnog općinskog odnosno gradskog organa);
6. Poslovni plan za 2019. godinu za PPG (formu plana preuzeti sa službene Internet stranice Ministarstva i popuniti), uz finansijski dokument koji prati Poslovni plan;
7. ID broj PPG-a;

8. Kopiju dokumenta iz banke iz kojeg je vidljiv broj računa.

IV.5. Potrebna dokumentacija za boraca poljoprivrednika:

1. Prijavni obrazac
2. Dokaz o statusu osobe iz ciljne grupe Programa (pripadnost boračkoj populaciji);
3. Uvjerenje nadležne Grupe za vojne evidencije o duljini sudjelovanja u ratu;
4. Izjava o kriterijima u vezi s tačkom 7.5.;
5. Izjava o osnovu korištenja poljoprivredne površine i o vrsti djelatnosti.

V.

PODRŠKA OSNIVANJU RADA I RAZVOJA BORAČKIH ZADRUGA

V.1. Mjera poticanja osnivanja, rada i razvoja boračkih zadruga

U cilju olakšavanja pristupa tržištu rada i povećanja uposlenosti i organiziranog obavljanja djelatnosti, borcima se može odobriti korištenje novčane pomoći za osnivanje zadruga, te rad i razvoj boračkih zadruga koje kvalitetnim poslovnim planom iskažu samoodrživost sa očekivanim prihodom i brojem zadrugara s utvrđenim statusom lica iz ciljne grupe uz ispunjenje propisanih kriterija.

V.2. Posebni kriteriji za mjeru poticanja osnivanja, rada i razvoja boračkih zadruga su:

- a) ukupan broj članova zadruga sa boračkom statusom;
- b) broj članova-boraca u statusu uposlene osobe u zadruzi;
- c) broj boraca koje namjerava uposliti;
- d) sudjelovanje na sajmovima u cilju jačanja prepoznatljivosti zadružnih proizvoda
- e) udio vlastitih resursa zadrugara u projektu (zemljište, prostor, mašine, alati...);
- f) planirani rezultati, efekti i utjecaj na opći cilj Programa;
- g) bavljenje ekološkom proizvodnjom;
- h) prerada hrane za ljude;
- i) prerada hrane za stoku;
- j) ostala proizvodnja ili prerada;
- k) uslužne djelatnosti u obliku starih zanata;
- l) kontinuitet započelih, a nezavršenih programa/projekata;
- m) prikaz novčanih davanja po istom ili sličnom osnovu od drugih pravnih osoba, realizacija dobivenih sredstava pomoći, efekti istih, od 2014-2018. godine;
- n) prikaz posljednjeg finansijskog izvještaja.

V.3. Potrebna dokumentacija za refundiranje troškova proisteklih kroz postupak osnivanja, registrovanja i pokretanja boračke zadruga-od prethodnog javnog poziva, te naknadu troškova za namjeru registracije zadruga

1. Rješenje o registraciji;
2. Podaci o članovima zadruga uz dokaz o njihovom boračkom statusu (pripadnost boračkoj populaciji sa minimalno 50% članova ili osnivača zadruga);
3. Izjava o broju boraca koje namjerava uposliti
4. Izjava o prebivalištu u Hercegovačko-neretvanskom kantonu u posljednje tri godine, sa svakog pojedinog zadrugara, data od strane upravnika zadruga

V.4. Potrebna dokumentacija za registrovane boračke zadruge (podrška radu i razvoju boračkih zadruga)

1. Prijavni obrazac;
2. Podaci o članovima zadruge uz dokaz o njihovom boračkom statusu (pripadnost boračkoj populaciji u trajanju od najmanje 18 mjeseci i sa minimalno 50% članova ili osnivača zadruge);
3. Dokaz o radnom statusu članova uposlenih boraca (uposlen neuposlen u zadruzi);
4. Izjava o broju boraca zadruge koje namjerava uposliti;
5. Dokaz o sudjelovanju na sajmovima u cilju jačanja prepoznatljivosti zadrudnih proizvoda;
6. Izjava o prebivalištu u Hercegovačko-neretvanskom kantonu u posljednje tri godine, sa svakog pojedinog zadrugara, data od strane upravnika zadruge;
7. Dokaz o registrovanoj djelatnosti (Kopiju rješenja Općinskog suda o upisu osnivanja zadruge u sudski registar, kao i Kopiju svih ostalih rješenja o upisu izmjena u sudski registar nakon upisa osnivanja zadruge npr. Izmjena sjedišta zadruge, upravnika, naziva zadruge i svih ostalih elemenata sadržanih u rješenju suda);
8. ID broj;
9. Uvjerenje izdato od Porezne uprave o izmirenim obavezama;
10. Uvjerenje o izmirenim indirektnim porezima (ukoliko je u sistemu PDV-a);
11. Bilanca stanja i bilanca uspjeha (za prethodnu godinu);
12. Dokaz o novčanim davanjima po istom ili sličnom osnovu od drugih pravnih osoba; realizacija dobivenih sredstava pomoći, efekti istih za posljednje četiri godine;
13. Poslovni plan zadruge;
14. Predračun, ponuda ili troškovnik za kupnju mašine, opreme, materijala ili drugih; sredstava namijenjenih radu zadruge a za koje se traže sredstva po ovom Javnom pozivu;
15. Izjava o vlasništvu / najmu / zakupu / koncesiji nad zemljištem/poslovnim prostorom;
16. Potvrda banke o računa zadruge i njegovoj solventnosti.

VI.

- (1) Prijave na Javni poziv sa potrebnim odgovarajućim dokumentima podnose se Ministarstvu za pitanja boraca HNŽ-a, ulica Krpića broj 3 88000 Mostar.
- (2) Javni poziv ostaje otvoren 15 (petnaest) dana od dana objavljivanja.
- (3) Zatraženu dokumentaciju potrebno je dostaviti u originalu ili ovjerenoj kopiji.
- (4) Ministarstvo zadržava pravo dodatnih provjera i utvrđivanja svih činjenica koje su zatražene uvjetom Javnog poziva,
- (5) Jedinствени obrazac Zahtjeva za dodjelu bespovratnih sredstava iz poziva može se preuzeti na Protokolu Ministarstva za pitanja boraca/boraca HNŽ/K ili na www.mbhnz-k.ba

Broj: 12-01-02-2008/19-4
Mostar: 30.05.2013.g.

